

52675/P 55150
DE
STRUCTURA VTERI
NON MUSCULOSA
SED
CELLULOZO-VASCULOSA

GRATIOSI MEDICORVM ORDINIS
AVCTORITATE
P R A E S I D E
VIRO EXCELLENTISSIMO EXPERIENTISSIMO
GEORGIO RVDOLPHO BOEHMERO
PHIL. ET MED. D. THERAPIAE P. P. O. ORDIN. MEDIC. ET
TOTIVS ACAD. SENIORE PHYSICO PROVINC. ET
SOC. OEC. LIPS. SODALI

AD XVI DECEMBR. A. MDCCCXXXIII
H. L. Q. C
PRO GRADV DOCTORIS
DISPUTAT

A V C T O R
IOHANNES GOTTFRIED WEISSE
IVTREBUCENSIS - SAXO
MEDICINAE CANDIDATVS.

VITEMBERGAE
LITTERIS CAROLI CHRIST. DÜRRIL.

V I R O

ILLVSTRI EXPERIENTISSIMO

DOCTISSIMO

DOMINO

D. KRETZSCHMERO

SERENISSIMI PRINCIPIS ANHALTINI

DESSAVIENSIS A CONSILIIS AVLAE ET

ARCHIATRO PHYSICO PROVINCIALI

ET MEDICINAE PRACTICO

CELEBERRIMO

P A T R O N O

OMNI VENERATIONIS CVLTV

PROSEQVENDO

LIBELLVM
HVNC ACADEMICVM
SVMPTE PIETATE

D. D. D.

IOHANNES GOTTFRIED WEISSE



§. I.

Quamquam variarum corporis humani partium structuram et actionem opera virorum in arte dissecandi clarorum perspectam satis habemus atque exploratam, multae tamen illius artificiosissime constructae machinae partes etiamnum supersunt, quarum quidem fabrica et usus ab omni iam iam tempore anatomes principum exercuit ingenia, ita, ut multa adhuc ambigua circa easdem necdum recte definita reperiantur. Ad praecipuas has humanae machinae partes, quarum structura diuersis agitata est controuersis, viscus illud, sexui sequiori proprium referri meretur, quod vterus dicitur. Pristinis enim temporibus magnus RVYSCHIVS, in vteri fabricam inquirens, musculari eum gaudere structura perhibuit, nec defuerunt, qui eandem et olim et nunc tuerentur sententiam. At nostra aetate summorum anatomes virorum industria, visceris huius compagem penitus indagantium, propria illius structura haud muscularis, sed ad membranaceo-cellulosam proxime accedens innotuit. Mihi itaque de materie,



rie, quam specimini academico subiicerem, cogitanti, nullam, quae mihi vtilitatis et iucunditatis nomine magis sese commendaret, seligere potui, quam structuram actionemque visceris modo laudati, in quibus quidem exponendis, etsi neque prorsus noua, neque ab aliis penitus indicta proferre potero, veri tamen videndi cupidum, quatenus studiosa inquisitio anatomica ipsum me docuerit, edifferendo testiumque veritatis numerum augendo, non omni ex parte laborem me suscepisse superuacaneum existimatum iri confido. Scilicet ante biennium Berolini hybernanti, virorum insignis anatomices peritiae fama florentium, manuuctione ipsam vteri structuram propria manu perscrutandi facta mihi est copia, tumque experimenta capta et autopsia ipsa me mouerunt, ut illam de cellulosa vteri structura amplecti inciperem sententiam. In exsequendo autem eo, quod inii, consilio ita quidem versabor, ut praemissis, quae ad vteri figuram, situm, nexum, partesque appensas pertinent, vasorum et reliquae vteri substantiae examen pro viribus suscipiam, adiunctisque animaduersionibus physiologicis illustrem, pauca deinceps de morbis, quibus hoc viscus obnoxium est, coronidis loco adhuc subiuncturus.

§. II.

Vt itaque rite totius argumenti tractatio procedat, ante omnia opus est, ut quid sub vtero in vniuersum intelligatur, lectores praemoneam. Quamuis vero facilius sit intelligere vteri naturam, ut fere rerum corporearum omnium, ex descriptione, variis ipsius conditionibus accommodata, quam ex curta, qualem logici expetunt, definitione, quippe quae vel iis, qui vterum ipsum nunquam viderunt, obscuritatem relinquit, vel iis, qui argutias sectantur, cauillandi opportunitatem praebet: legibus tamen, ad quas academici libelli scribuntur, ita quidem obtemperabo, ut vteri qualemcunque a me exhibendam



dam definitionem, legitima descriptione ipsius addita, magis deinceps dilucidem. Proinde vterum, siue matricem ita quidem definitio, vt dicam, esse feminei corporis viscus illud, quod suo tempore foetui concipiendo, gestando, nutriendo et exclu- dendo inferuire potest. Quae quidem definitio, ab huius partis multiplici functione petita, etsi cadere posse tantum vi- detur in vterum feminae viro maturae et integrae aetatis, ita omnino accipienda est, vt haecenus etiam tum puellae tenellae, tum mulieris vetulae, tum virginis virum nondum passae vte- ro congruat, quatenus functio quarumlibet partium corporis ex oportunarum tantum conditionum totiusque corporis oeco- nomiae conspiratione quadam aestimari debet. Caeterum vte- rus vel extra functionum, quas diximus, exercitium constitu- tus est, tumque *vacuus* potius quam *virgineus* a nobis dicetur, vel eas functiones vere exercet et praestat, tumque *gravidus* vel *impraegnatus* appellatur.

§. III.

In utroque hoc statu, vt iam a definitione ad descriptionem ampliorem transeamus, vteri exterior figura ita quidem rotunda est, vt suo modo ad oualem, aut, vt vulgo dicunt, pyriformem accedat, vtque extremitas altera ipsius, quae superior et clausa est atque fundus dicitur, latior et diffusior, altera vero, quae inferior et perforata est, atque ceruix audit, paullo angu- stior sit et veluti in cylindrum contracta. Eiusmodi figuram pyriformem siue ouatam offendimus propemodum in aliis quo- que eiusmodi partibus corporis, quae lento cuidam et sensim fienti distentui obnoxiae sunt; v. c. in vesica urinaria inque fol- liculo felleo; neque vlla dubitatio superest, quin istam confi- gurationem inesse voluerit summus omnium rerum opifex vte- ro propterea, vt distentum, quem non modo, sicuti deinceps vberius dicam, in vasis suis et propria substantia, sed in ipsa quo- que



que quondam cauitate sua perpeti debet, aequabilem eo melius ferat. In ipsa autem ouata hac et rotunda vteri, inprimis vacui, figura, occurrit simul veluti compressiusculi quicquam, quod a pleno et grauido prorsus abest. Etenim anterior pariter atque posterior huius visceris pars superficies sinit conuexas illas quidem, vtramque tamen non sine planitie. Quin imo vbi superficies istae, anterior posteriorque, mutuo inter se confluunt, superius quidem ad fundum, quem diximus, et ab vtroque latere, margines formant, quorum superior quidem conuexus satis est, laterales vero paullo acutiores reperiuntur.

§. IV.

Hunc itaque in modum exterius configuratum vterum ita libere in pelui ossea suspensum reperimus, vt neque cum vesica vrinaria, neque cum intestino recto, quibus interiectus est, et ex quibus illam superficie sua anteriori, hoc vero posteriori attingit, nusquam sit copulatus, nusquam concretus. Suspenditur vero vterus e peritoneo, infimos intestinorum gyros sustinente, eique membranae ita accretus est, vt ab eadem non modo, si ceruicem excipiamus, prorsus amiciatur et integumentum suum externum recipiat, verum a latere quoque vtroque duplicaturam quandam ipsius excipiat, quae inde a marginibus vteri lateralibus per mediam peluim, septi in modum, ad ossa iliaca vsque expanditur, duoque sustentacula egregia praebet, quae ligamentorum vteri latorum nomine insigniuntur. Ab his duobus ligamentis latis, aliisque duobus, ex fibris et vasculis, in funiculi teretis formam coniunctis, et a fundi vterini lateribus per annulum abdominalem in externas genitalium muliebrium partes exeuntibus, ibidemque ramoso fine desinentibus, quibus rotundorum ligamentorum cognomen datum est, egregia praestatur, in variis mutationibus, quibus hoc viscus obnoxium est, opera, maximeque cauetur, ne vel

vterus



uterus decidere nimium, vel exsurgere ultra modum possit, sed cum summa tamen mobilitate in aequabili situ intra cauitatem peluis retineatur. Sicuti vero praeter hanc utilitatem ligamenta rotunda vasculis nerueisque, quae ipsis intexta sunt, flaminibus in ipsa demum externorum pudendorum substantia finitis et distributis, aliud quoque commodum suggerere videntur, quod in eo consistit, ut inter uterum et sinum pudoris, eiusque labia, nymphas, montem veneris clitoridemque, quarum partium fabricae describendae iam non immorabor, pruritum et oestri venerei consensum quendam producant, atque adeo efficiant, ut haec quoque externa muliebria ad foetus evolutionem suam conferre possint symbolam; ita quoque ligamenta lata, non modo uterum cum mobilitate fulciunt et suspendunt, sed insuper foetus euoluendi habitaculum primum et promptuarium quasi viamque, per quam ex habitaculo isto ad uterum in congressu foecundo impraegnata futuri embryonis flamina deferuntur, aut ut planius dicam, ouaria et tubas sic dictas Fallopianas continent. Ouaria nimirum corpora sunt oblonga, utrinque plana, circumferentiae femiouis, molis diuersae, firmitatis eximiae, coloris albi, fabricae densae, cellulosae, intus excavata atque in membrana sua, quae cauitatem internam proxime efformat, varias vesiculas membranaceas, rotundas, lymphatico succo impletas et celluloso, ut videtur, pedunculo membranae laudatae iniunctas, quae ouula dicuntur, sustinentia. Tubae vero Fallopianae canales sunt duo membranacei, figurae conicae et directionis, tum flaccidi sunt, tortuosae, quorum orificium alterum maius, fimbriato et lacinioso margine instructum, in abdomine libere hiat et ante ouaria ultraque eadem pendulum fluctuat; alterum vero minus in latere fundi uterini ita patet, ut in ipsam uteri cauitatem aperiatur. Eam vero exserunt tubae istae, ut verisimillimum est, actionem, ut, veneris stimulo excitato, partium



tium muliebrium vi vitali acrius sentientibus nervis copiosiori-
que sanguine turgefactis vasis, erectae quasi et rigentes fimbria-
to suo orificio ovarium amplectantur, arreptumque inde per
dehiscentes membranas ovulum, moco, quem continent, in-
natans, ad vterum deducant, peracta vero erectione, (id quod
aliquando, citius deferuescente oestro venereo, proh dolor
minus opportune accidit, et fetibus ovariiis, tubariis, abdo-
minalibusque, miseris, matribus haud raro fatalibus, conci-
piendis occasionem praebet) denuo flaccescant.

§. V.

Sic vero tubae Fallopianae contractius orificium nos ad-
duxit ad vteri interiorum cavitationem et reliquam, e qua confe-
ctus est, substantiam examinandam. Est autem cavitas vteri,
de reliquo vacui, admodum exigua, neque in virgine, neque
in vetula, ut ut partum olim enixa, maior, quin amygdala pror-
sus impleatur. Figura huius cavitationis propemodum ad trian-
gularem accedit, in fundo tamen in cylindricam contrahitur.
Internam vteri superficiem constituit membrana, quae epider-
midi, ad vaginam introrsum flexae, continua est et in cavitate
vteri pulposa breviterque flocculenta, in ceruice vero callosa
et valvulosa quasi reperitur, et rugas illas memorabiles cerui-
cis efformat, quae non modo in graviditate protracta explana-
tionem, sed etiam in partu dilatationem ceruicis et orificii
vterini concedunt. Caeterum inter has rugas, praeter vesicu-
las quasdam, pellucido liquore plenas, quae a NABOTHO fal-
so pro ovulis habitae sunt, multae quoque glandulae mucipar-
ae deprehenduntur, quae ceruicem vteri eiusque orificium
perpetuo humectant et obliniunt. Ceruix vero orificio suo,
quod inter labia duo tumidula et retusa quasi transuersim patet,
ita quidem in Vaginam, quam dicunt, vteri introspicit, ut ca-
nalis hic membranaceus, ex epidermide et cute reflexa forma-
tus,



tus et rugis copiosissimis, ad veneris voluptatem expansionisque facilitatem complicatis, glandularumque mucos madentibus instructus, paullo altius eumque in modum circumdatus adnascatur, ut ceruicem digito ambire omnem liceat.

§. VI.

Iam vero instituti ratio postulat, ut fabricam vteri internam substantiamque, inter membranam intimam, quam cum epidermide continuari dixi, et extimam, quae a peritoneo, uti superius commemoravi, proficiscitur, comprehensam paullo curiosius indagem atque exponam. Est autem vteri substantia, sicuti inter omnes conuenit, admodum densa et subdura quasi, innumerisque vasis percursa, nerueisque praeterea ditata ramulis. Ac primum quidem vasa vteri, praeter lymphatica, quorum praesentia probabilis admodum, copia tamen in humano vtero paullo rarior, quam in brutorum matricibus est, quorumque historia accuratior etiamnum desideratur, sanguifera illa, quae uti in aliis visceribus, ita etiam in hoc circulationi humorum, ad nutritionem et calorem vitalem admodum necessariae inseruiunt, alia quidem arteriosa, alia venosa sunt. Descendunt autem vteri arteriae a spermaticis, hypogastricis, atque haemorrhoidalibus internis sat conspicuis ramis, illudque singulare habent, ut siquidem earundem capacitas et robur ad capacitatem et robur venarum correspondentium exigatur, interque ipsas et aliorum viscerum arterias venasque ratione harum qualitatum comparatio instituatur, arteriae vterinae longe ampliores, quam venae vterinae, minusque robustae deprehendantur quam aliorum viscerum arteriae esse consueuerunt. Caeterum non soli vteri, sed etiam vaginae, ouariis, tubis, glandulisque harum partium lubricationi destinatis, prospiciunt. Praeterea quoque arteriae hae frequentissimo ramorum concursu,



su, et fere crebriori, quam aliae alibi arteriae solent, coniunguntur, neque solum in maioribus trunculis, sed etiam in minoribus minimisque furculis mirabilem ineunt anastomofin physiologicam, earumque rami, infinito prope numero dispartiti, diuersae capacitatis mirandaeque tenuitatis, quam optimo iure capillarem dixeris, et quae extra grauiditatis tempora omnem oculorum aciem prorsus effugit, ad vteri compagem efficiendam potentissime concurrunt. Omnia enim vteri puncta innumeris conuolutionibus et anfractibus vasorum perreptari atque vniuersam huius visceris fabricam totam, quanta est, vasculosam reddi; omnium optime docet vterus praegnans; vtpote in quo vasa omnis generis sanguifera ad horrendam usque molem extensa et ampliata et per omnem externam inprimis superficiem disseminata iucundissimo oculis sese manifestant spectaculo, indeque deinceps ad internam pariter vteri naturam intimamque superficiem penetrant, tanta quidem cruoris vi distenta, vt vterus prolapsus et inuersus, et a leuissima quavis laesione male habitus letali affligatur haemorrhagia. Caeterum arteriosi, qui in vtero reperiuntur, trunculi non modo citissime in minimos ramusculos discerpuntur, sed etiam vltimi vasorum fines, qui in interna vteri atque vaginae superficie apertis orificiis hiant, angustissimi sunt, vterique membrana interna, cuius teneritudo ad teneritudinem tunicae oculi retinae satis prope accedit, blande inuicem reuinciuntur et confirmantur. Qua quidem singulari arteriarum vterinarum distributione commodum non modo hoc, vt sanguini in innumera- riles ramificationes, frequentissimis anastomosis coniunctas, distributo, facillimum pandatur iter stasiumque et infarctuum praepedita origine, scirrhorum, indeque propullulantium carcinomatum periculum rarius redditur, sed etiam illud obtinetur, vt intra tot ramulos minores arteriosos, tunicarum robore minori minus resistentes, sanguis lente accumulari, neque tamen



men protinus in vteri cauitatem, cum virium et incrementi corporis dispendio, effundatur.

§. VII.

Venae, vteri fabricae cellulosae interpositae, simili modo se habent eodemque quo arteriarum propagines nomine gaudent. Valuulis destitutae sunt, curuilineae tractuque serpentino excurrunt; firmiores etiam, quam reliquae corporis venae reperiuntur et pro capacitate optimum laudabilemque sanguinem, ex harum partium nutritione residuum, reuehunt. Haec vtriusque generis vasa, innumeris inter se anastomosis iuncta naturae artificio inosculantur, adeo vt obstructione etiam in quadam parte oborta non facile inde turbentur circulationis leges, sed sanguini in hoc ramo stagnanti per vim deriuationis, siue reuulsionis illico pateat liber transitus per laterales huius canalıs ramificationes, quibus benignissimus creator infarctui, obstructioni, inflammationi, scirrho et plenariae destructioni huius nobilissimi visceris prospexit, malis quidem illis ob insignem huc affluentis sanguinis riuum alias vix euitandis. Venarum autem vsus tempore grauiditatis magni sane est momenti, quum enim vt vt alias arteriis longe minores sint, ob tunicarum tamen, quam cum omnibus venis communem, quamuis minorem, habent tenuitatem, sanguini, copiosius affluenti, cedunt atque sic ampliores euadunt, maiorem quoque sanguinis continent columnam, quam quae a viribus arteriarum propellentibus ita celeriter superari et propelli possit. Hinc renisus humorum, in venis contentorum, arterioso sanguini, alias velocius sese mouenti, moram parit, quo tandem humores foetui alendo idonei eo melius secerni atque placen-
tae committi queant.



§. VIII.

Vteri vasorum vtriusque generis fabricam et actionem nobis contemplantibus, nonnulla etiam de commodis, quibus praeter allata inferuiunt, in medium afferre, a nostri instituti ratione haud prorsus alienum fore putamus. Anatomes itaque vasorum vteri attento indagatori tortuosam innumerisque serpentinis tractibus insignitam illorum directionem ad multos fines egregios ita exstructam esse, statim apparebit. Ac primum quidem multiplicati illi anfractus egregii fauent tum elongationi, tum ampliationi vasorum, quam tempore gestationis experiri et subire solent venae imprimis maximam; et a qua sola euenit, vt vteri praegnantis parietum crassities nullo prorsus pacto et nusquam locorum imminuatur, etiamsi moles vteri tanta euadat, vt non modo ob extensum vteri fundum tubae non tam ex supremo eius latere, quam potius ex medio corpore exire videantur, sed etiam vltra ossa pubis plurimum protuberans ad ventriculum et zonam coli transuersam vsque exporrigatur, omniaque fere abdominis viscera in arctius hospitium cogat. Erat vero admodum necessarium, vt vteri crassities distentu non decresceret; siquidem alias extenuati huius visceris parietes cum summo foetus intus contenti detrimento et pressui viscerum in sacco peritonaei contentorum, frequentibusque expansionibus per faeces et flatus obnoxiorum cederent et impulsu quoque et succussu tum externo, tum respirationis male haberentur. Notissimum porro est et per principia physiologica prorsus euinctum habetur, contortam vasorum arteriosorum directionem ad sanguinis humorumque nutritiorum elaborationem conferre quam plurimum. Quum itaque humores pro foetu alendo optimi requirantur, merito coniicimus, vasa vteri etiam ea de causa esse in tot anfractus serpentinos figurata, vt sanguis optimus vasorum opera elaboraretur atque in nutrimentum foetus egregium commutaretur.

Humo-

Humores autem, quibus infans alitur, in vtero maxime mutari atque corrigi, fugere potest neminem. Experientia enim teste compertum habemus, matres ipsa grauiditate diris interdum morbis, phthisi, aliisque summa coniunctis humorum corruptione tentatas, nihilominus sanos atque perfectos infantes fuisse enixas. Quibus itaque patet sanguinem in vasis vterinis contentum illam subire mutationem, qua foetui optimum paratur nutrimentum. Et hanc nostram opinionem foetus incrementum pro ratione temporis celerius maxime confirmat. Confitemur quidem, quod incrementum infantis aliis adhuc debeatur causis, exiguae nimirum humidorum nutritioni inferuentium dissipationi motusque defectui, at omnibus illis ad calculum reuocatis, celerius tamen incrementum humoribus egregie paratis adscribendum esse, eo confidentius asserimus, quo certius est, sine bona succorum qualitate et indole incrementum et nutritionem succedere non posse. Commodis denique illis, quae a directione vasorum inprimis arteriorum vteri serpentiniiformi proficiscuntur hoc quoque potest annumerari, quod cum mire inter membranas et substantiam vteri reliquam flexa decurrant initioque contracta quidem sint, sensim vero paulatimque elongentur, partu enixo haud nimium sanguinis modum profundant, sed statim sese contrahant, pristinumque occupent spatium, eaque ratione haemorrhagiam vteri vt plurimum impedian.

§. IX.

Sed vasorum vteri fabrica et usu haecenus expositis nostrum etiamnum esse credimus, vt eorum, quod in mensium effusione positum est, beneficii mentionem quoque iniiciamus. Vasa menses excernentia omnino quidem arteriarum sunt propagines, sed ea de ratione memoratu digna videntur, quoniam figura flexili donata in cauitatem vteri propendent, quam



fluido exhalante irrorant periodoque menstrua distenduntur et per anastomofin pathologicam sanguinem profundunt. Haec vasa minima, quae in superficie vteri interna propendent atque tunica, vt iam annotauimus, obteguntur, semper rorem quendam exstillant, quo fines eorum lubrici seruentur, sed tempore accessus mensium a maiori mole sanguinis sensim sensimque collecta ampliantur et humoribus tandem erumpentibus cedunt. Quod si ad causas, a quibus proueniunt, menses, animum attendimus, profiteamur, quod de iis extra corpus positae Lunae e. g. influxu haud certa ferri possit sententia, siquidem naturae scrutatores ab omni iam tempore diuersis ducti sint opinionibus, in vniuersum vero hactenus demum causis externis pretium quoddam statuendum sit, si internarum causarum potentia ad effectum quendam producendum non satis per se efficax inueniatur. Si vero causarum in corpore haerentium reddenda sit ratio, eas potissimum in ipsa eius corporis fabrica reponendas esse putamus. Sexus enim sequior compage, prae potiore longe laxiori gaudet, vasis etiam multo capacioribus maioremque humorum molem continentibus instructus est, hinc semper magna sanguinis paratur copia et ea, nisi in incrementum corporis impendatur, annis pubertatis accedentibus per menses imminuitur. Sed plethorae vniuersali mensium prouentus haud solum tribuendus videtur, sed etiam ipsa vasa vteri, illo fluxu oriundo praebent occasionem, ea enim, vt iam annotauimus, ita comparata sunt, vt humoribus semper repleta sint motusque sanguinis ob singularem angustiorum, vt diximus, vteri venarum et sanguinis in iis contenti, renixum, semper quodam modo retardetur. Proinde necessario ex arteriis id, quod in venas renitentes exigi nequit, in minima vascula exhalantia propellitur iisque tantus distensus ingignitur, vt orificia amplientur, sanguisque inde effundatur. Causis denique menses prouocantibus vitae regimen, coeli tem-
peries,



peries, pluraque possunt alia annumerari, victus autem ratio potissimum lautior nimis interdum mature fluxu oriundo fauet; medici enim obseruarunt puellas annum modo nonum agentes mensibus fuisse tentatas, quemadmodum pueris simili aetatis spatio qui nimio citius fluxu haemorrhoidali infectos fuisse, relatum legimus. Ast in hoc statu semper praeternaturali, causae praedisponentes in plethora, quae ut plurimum ab alimentorum ingestorum copia oritur, tenerrimaque corporis compage, quaerendae sunt. Sexus sequior anno ut plurimum decimo quarto periodum menstruam experitur, certus attamen terminus, quo primum fluxu illo tentantur, determinari nequit, cum pro ratione habitus corporis aut strictioris vel laxioris, climatis, victus vitaeque rationis plurimum variare solet. Periodo menstrua praesente illa quoque corporis mutatio feminei euenire solet, ut mammae, quibus consensio cum utero est acutissima, ex maiori humorum mole versus eas ruente turgescant et, ut aiunt, sororientur. Mammamas vero cum utero consentire, sicuti commune incrementi et euolutionis tempus, atque communicabilis voluptatis sensus docet, ita quoque ex vasorum inprimis nexu similique fere fabrica, satis superque patet. Quamuis enim mammalia atque uterina vasa propria nusquam concurrant, mammariorum tamen internorum cum epigastricis anastomosis sit et constantissima et creberrima. Quumque epigastrica vasa iliacorum, mammalia vero mammariorum soboles sint, euenit omnino, ut quemadmodum v. c. inter ceruices, scapulas et humeros, interque pulmones et mammamas in variis pulmonum mammarumque morbis consensus per vasa evidens admodum occurrit, sic etiam talis mammamas inter vterumque conspiratio obtineat. Potest proinde, quando uterus a partu constrictus plurem remittit in iliacam communem venam sanguinem, ita quidem ea impleri, ut ex venis epigastricis minus copiosus admittatur. Venarum vero
harum



harum turgescencia musculorum abdominalium opera vtcunque imminuenda, mammariarum tamen talem turgescenciam procreat, vt in mammalibus ramulis venosis sanguis eo diuturniores moras nectat, quo magis fabrica mammarum cellulosa distentui fauet. Itaque quum sic in mammis plurimus sanguis accumuletur, in vasis mammarum secretioni inseruiantibus lac elaboratur, quod quidem sensim sensimque crassius, initio vero tenue lymphaeque simile e mammis leuiter compressis profluit; ex aucto vero humoris effluxu mammarum ille dolor nascitur, quem praecipue primiparae, infante pectoribus admoto, experiri solent.

§. X.

Neruorum vteri origo varius est; nonnulli enim partim a plexu mesocolico infimo, partim etiam a neruis sacralibus proueniunt. Nonnulli etiam per ligamentum latum ad ouaria abeunt, alii adhuc a neruo comite vasorum clitoridis, qui ab ischiadico satis magno trunco prouenit. Sed etiam ouaria proprios a plexu renali neruulos habent, quales in viris testem adeunt. Vterus neruis suis partibus ipsi adiacentibus, vesicae nimirum vrinariae et intestino recto, cohaerens ob insignem neruorum numerum, vt et ea organa acri sensu est praeditus; vnde etiam surculo fit, vt a morbo intestinum rectum vel vesicam occupante, multum excrucietur. Patet tamen ob intercostalis inprimis nerui surculos, qui mesocolicum plexum constituebant, vterinos, consensio matricis neruosa longe latius, adeo, vt non modo ventriculus cum intestinis, sed omnino omnia corporis viscera tum in suorum commodorum incommodorumque societatem vterum trahant, tum ab eodem quoque in cuiuscunque valetudinis sympathiam vocentur. Quod reliquum est, sicut vtero ratione vasorum cum mammis est con-



consensus, sic etiam per nervos praecipue intercostalem nexus intercedit maximus.

§. XI.

Iam reliquum fibrosum vteri textum, in quo vasa nervique distribuuntur, indagaturi in anatomicarum sententiarum diuortia incidimus. Etenim, ut iam a limine huius tractationis commemorauimus, de fabrica vteri mere cellulosa, caue insuper musculosa inter omnes nondum conuenit.^{a)} Fuerunt scilicet atque etiamnum sunt inter anatomicos viri, multa eruditionis multorumque meritorum laude celeberrimi, qui non modo, ut contractiones illas vteri parturientis validissimas, foetusque tum viui, tum, qui sibi ipsi consulere nequit, mortui adeo expulsionem, vterique a puerperio in pristinum volumen redeuntis constrictionem explicare possent, physiologicis rationibus commoti, fibras musculares vteri telae cellulosae vasculisque adiunctas esse praeciperent, sed adeo ab ipsis non quidem in virgineo et vacuo, sed tamen in pleno, aut puerperio nuper defuncto vtero conspectas, conspiciue creditas, et describerent, et vero etiam depingendas curarent egregie.^{b)} Estque

^{a)} De controuersa vteri fabrica num cellulosa, an potius musculosa sit, differuit quoque nuper Amicus Exp. HENNIGIVS, in disputatione de Causis partus animalis naturalibus Praef. Exc. NÜRNBERGERO Wittenbergae defensa, quam vero ideo perlegere non potui, quoniam libellum hunc meum, iamdudum litteris consignatum, Gratiofo medicorum ordini ante plures menses tradideram, ab eius publica defensione honoribusque doctoris medici capeffendis variorum obstaculorum, minus praeuiforum, interuentu retentus.

^{b)} Virorum, qui olim structuram vteri musculosam propugnarunt, nomina atque descriptiones leguntur in Ill. HALLERI Elem. Physiol. VII. I. XXVIII. Sect. II. §. 10. sqq. Quorum vero opinioni nuper accessit Exper. HAVENSCHILD in dissertatione de musculosa vteri structura Praef. Ill. LODERO Ienae publice defensa ibique typis expressa 1782.



que haec de vteri natura musculosa sententia adeo vulgo recepta, vt non desint, qui vterum musculi caui nomine compellare non dubitent. At enimvero, quo minus ad eandem sententiam amplectendam animum appellam, virorumque, qui eandem tuentur, auctoritate, quam alias multum veneror facioque plurimi, abripi me patiar, grauibus omnino impedior rationibus, quae, vt praeter vasa neruosque telamque cellulosam satis densam, in vtero nihil reperiri, certissime mihi persuaferunt:

§. XII.

Praeuideo quidem magnam mihi litem motum iri ab illis, qui, quum ipsi nunquam accuratum matricis scrutinium susceperunt, magnorum tamen virorum auctoritatibus tantum tribuunt, vt vel nomine ipsorum laudato argumentum locupletissimum attulisse sibi videantur, et ab eorum placitis vel latum vnquem recedere religioni sibi ducunt. Quorum quidem hominum rationem iudicandi etsi minime probem, ita tamen optime refelli refutarique posse crediderim, vt quamdiu cum ipsis mihi confligendum est, eandem ipse ego quoque disputandi rationem sequar: consilio hoc poetae comici arrepto, qui ait:

Haec res sola est remedio

Vbi nominabit Phaedriam, ter, Pamphilam continuo.

Scilicet RVYSCHII, HALLERI, HVNTERI aliorumque magnorum dissectorum auctoritate, fibrarum vteri musculosarum praesentiam propugnaturis, quas opponam ALBINI, WALTHERI atque LIEBERKÜHNII auctoritates in promptu habeo. ALBINVS enim, myologiae assiduus cultor fidissimusque praeceptor, musculi vterini fundi nullius plane iniecit mentionem, quem tamen, vere praesentem vereque obseruatum, neque ta-

cuisset,

cuiſſet, neque tabulis, quas egregie excudendas curauit, adii-
 cere omiſſet. WALTHERVS, ^{e)} celeberrimus anatomicus
 Berolinenſis, quem ob innumera benignitatis in me collata
 documenta, obque fidiffimam in rebus anatomicis institutionem
 gratiffima mente vsque veneror, in vtero feminarum, in par-
 tu, aut breui poſt partum extinctarum, ſumma quidem cum
 induſtria inueſtigatas fibras carnoſas obſeruare nuſquam potuit.
 Spectatiſſimus denique LIEBERKÜHNIVS, qui omnes humani
 corporis partes indefeſſo ſtudio indagauit, tamque proſpero la-
 borum ſucceſſu uſus eſt, vt num praeter illum alius vmquam
 in fabrica partium intimiori detegenda pari felicitate verſatus
 ſit, merito dubitem, fibras in vtero muſculares nunquam de-
 prehendit, vtut in hanc rem inſtitueret pericula innumera.
 Praeſtantiſſima celeberrimi huius anatomici praeparata, quo-
 rum accuratiſſime contemplandorum examinandorumque copia
 mihi facta eſt Berolini commoranti, nihil aliud in vtero offe-
 runt, quam innumeris vasis, ſerpentina directione excurrentibus,
 frequentiffimisque anastoſofibus reticulatim connexis percur-
 ſam compagem cellulosaſ, ſtratis fibrarum non aliarum, quam
 quae telae cellulosae propriae ſunt, multiplicatis contextam.
 Quodſi vlla ratione conſpicuae reddi poſſent, quae in vtero a
 plerisque aſſeſſe ſtatuuntur, fibrae muſculares, telae cellulosae
 fibris, quantumuis, vt nonnulli vrgent, arctiſſime iunctae,
 cui in aliarum partium praeparatione quaecunque obſtabant,
 nunquam non feliciffime remouere contigit, in hoc quoque
 caſu impedimenta ſuperaturum fuiſſe LIEBERKÜHNIVM, ad
 modum veriſimile eſt. Ipi quoque magni nominis phyſiologi,

C 2

BOER-

e) Vid. Ill. WALTHERI Betrachtungen über die Geburtstheile des weiblichen
 Geſchlechts. p. 31.



BOERHAAVIVS^{d)} GORTERVS^{e)} atque LIEVTAUD^{f)} vtero nullas fibras musculosas inesse, quodque pro fibris musculosis habitum fuerit, arteriolas potius venasque sanguine turgidas fuisse, confidenter asseruerunt.

§. XIII.

Ast mittam iam auctoritatibus confligentium confutationem per auctoritates alias, sique adeo liberalis, vt, si modo per testium consentientem concordiam liceat, fibras istas, quamuis frustra a me saepius indagatas, ipse quoque recipiam; siue vero directionis, siue sedis harum fibrarum descriptiones a variis auctoribus allatas inter se mutuo comparo, tantum abest, vt concordiae vllius vestigia vsquam appareant, vt potius mirus omnium dissensus occurrat. Sic MARCELLVS MALPIGHIVS^{g)} in praegnantium vtero reticulatas; FRIDERICVS RVYSCHIVS^{h)} in concentricos fere circulos dispositas; WILH NOORTWYCKⁱ⁾ striatim fereque orbiculatim dispersas; HALLERVS^{k)} circulares et longitudinales, LE SVE^{l)} radiatim excurrentes, circulares, transuersas et obliquas descripserunt, simplex fibrarum stratum alii, vt LE SVE, alii cum VESALIO^{m)} multiplicatum esse volunt. Nonnulli in externa vteri superficie, remoto, quo ista legitur, peritoneo, occurrere carneas fibras

d) Praelect. acad. in propr. Instit. med. c. adn. ALB. HALLFRI Goett. 1744. 8. To. V. P. II. p. 34.

e) Exercitat. med. quatuor Amst. 1757. 4. Exerc. I. de motu vitali §. XLI. p. 23.

f) Essais anatomiques à Paris 1742. 8. Sect. IV. c. XXI. p. 359.

g) Oper. omn. Lond. 1687. Fol. To. I. App. in epist. ad SPON. p. 29.

h) Adu. Anat. med. chir. Amst. 1729. 4. Dec. II. p. 34. Dec. III. p. 34. f.

i) Vrer. hum. grau. anat. Lugd. Bat. 1743. 4. p. 12. §. 9-40. p. 106. §. 87.

k) Elem. Physiol. To. VII. P. II. p. 64. f.

l) Mem. de mathem. et phys. présentées à l'Acad. des Scienc. etc. To. V. p. 247.

m) Oper. omn. Lugd. Bat. 1725. To. I. p. 458. f.



fibras volunt, alii vicissim, vt RVYSCHIVSⁿ⁾ in interno vteri fundo muscolum singularem, quem tamen ipse deinceps repudiavit,^{o)} aut, vti Cl. LE SVE nequaquam quidem in fundo, sed tamen in omni vteri interna superficie, musculos fasciculatim excurrentes quadrigeminos triangulares, quorum duo anteriores, totidemque posteriores sint, itemque orbiculares laterales duos ad tubarum Fallopiantarum ostia; denique alii omnem vteri substantiam fibras carneas inter vasa percurrere asserunt. Iam in tanta auctorum de fibrarum vteri muscularium sede atque directione discordia, quid quaeso verum erit? Quis iudicem reprehenderit, qui ob testium dissensum hominem accusatum absoluit? et quis vitio vertere posset mihi, si discordiae isti tantum tribuerim, vt, quod nec ipse potui, nec alii viri me longe peritiores inuenire valuerunt, dissonante testimonio persuaderi mihi haud patiar?

§. XIV.

Verum enim vero, dicet forte quisquam, num, quanta in operibus suis varietate natura delectetur, ignoras? Forsitan omnium horum auctorum obseruationes iustae et verae sunt. Essene potest, vt singuli in istis vteris, quorum scrutinia instituerunt, quod contendunt vidisse, viderint certissime? Scilicet agnosco probeque teneo naturae lusus in anatome frequentissimos. Noui in figura, magnitudine, numero, situ et nexu multas multarum partium diuersitates vere obseruari; in fabrica tamen interna nobilissimorum viscerum lusus naturae salua functionum integritate obtinere, quis vnquam comprobauit? Fibrae musculares, vt definita quadam ratione agere possint, constanti quadam sede atque directione vtantur, necesse est.

C 3

Mu-

ⁿ⁾ Pract. anat. de musc. in fundo vteri Amsteld. 1726. 4. 2 Fig.

^{o)} SCHREIBER in vita RVYSCHII p. 54.



Mutuus igitur earum situs alienusque decursus actionem quoque ipsam variaret, quin imo contrariam aliquando pareret. Ponamus igitur fibras vteri musculares vere tanta directionis collocationisque varietate in diuersis subiectis pollere, num vlla ratione credibile est, adeo inconstantes et diuersas stationes itineraque contraria, in variis feminis nacta, tam constanti modo semper agere tantaque conspiratione omnes in vtero contrahendo contentisque vterinis ad orificium vteri propellendis cooperari posse? Num in animum inducere licet, vt arbitris, vteri, ceu visceris nobilioris organismum lusui naturae subiectum, totiusque humani generis conseruationem fortuitae fabricae ludibrio deberi? Quum itaque sine lege certa et ordine disposita fibrarum motricium strata aequalem in partu nisum edere, nequaquam valerent, res vero notissima sit, vterum cuiusuis parturientis in doloribus ad partum veris aequabiliter contrahi, omniaque ipsius puncta in foetu expellendo aequalem exserere actionem, efficitur omnino, vt vel fibrae musculares vteri, si quae adessent, constantis sint distributionis, id quod tamen ipse obseruatorum dissensus non concedit, vel partum a causis potius aliis administrari, quam a fibris muscularibus, in quibus agnoscendis dissectores haud raro decipiuntur mirifice, quantum enim tenuissima vascula rubra telaeque cellulosae fibrae inuicem copulatae fallere possint anatomicos, quamque facile ipsis persuadere, vt, vbi muscularis fibrae nulla prorsus vestigia sunt, ibidem tamen muscularem fabricam et fumant, et vidisse sese adeo arbitrantur, vt alia omnia taceam vel solius capsulae Glissoniae membranaeque Darti exemplum confirmat, in quarum neutra musculosi quicquam occurrere, iam satis abunde constat.

§. XV.

Ast nouae occurendum est reprehensioni, quam muscularis vteri fabricae patroni afferre possent, monendo, anatomicorum discrepantiam in describendis alicuius corporis partis fibris muscularibus nunquam tanti aestimandam esse, vt propter illam omnium talium fibrarum in ista parte praesentia in vniuersum negari possit; nullius partis fibrarum itinera maiori cum veritate narrata atque depicta esse, ac illa fibrarum cordis; differre icones et descriptiones LOWERI, LANCISII, SENACI, WINSLOVII, omninoque omnium anatomicorum, qui cordis fibrarum decursum examinauerint; notam etiam satis esse causam ineuitabilis discriminis, quae ad ipsum quoque vterum forsitan pertineat; in corde non bene erui posse fibrarum carnearum distributionem, quoniam ramosae sint ramosisque suis appendiculis mutuo sibi intricatae et implicatae; in vtero forte simile fibrarum muscularium genus occurrere, quod sua singulari et ramosa configuratione crebraque interpolatione omnes directiones non tam mentiatur, quam potius vere sequatur; tantum quoque abesse, vt haec ficta sint, vt potius Clarissimus LE SVE^{p)} ex eo, quod sub longis illis fibris carneis, quae statim sub membrana vteri externa, a peritonaeo producta, occurrant, aliud fibrarum stratum transuersum et oblique excurrentium, subque his denuo simile viderit, superiori illi varie implicatum, fabricam vteri musculosae cordis fabricae analogam esse asseruerit. Fateor haec omnia admodum argute disputari magnaue cum veri specie asseri. Quo minus tamen ab his qualibuscunque argumentis assensus mihi extorqueatur, praeter hoc, quod subtilem Cl. LE SVE anatomen nullus recentiorum anatomicorum confirmauit, etiam hae, quas mox asseram, rationes me impediunt. Quotquot
anato-



anatomici in vtero carneas fibras obseruasse sese dicunt, vidisse sibi eas visi sunt non in virginum adultarum, sed in mulierum praegnantium matricibus. Iam vero fibrae illae sic dictae carnae, si quidem tempore grauiditatis vere conspectae fuerunt, iamdum antea adfuerint, necesse est. Quod si verum est, ut quilibet concedit, non apparet, cur in vtero pleno et ingrauidato, cuius cauitas capacitate sua vteri vacui et virginei cauitatem plus millies superat, fibrae musculares melius conspiciantur, quam in vtero virgineo. Quaelibet fibrae musculares, quo magis extenduntur, eo magis gracilescunt, eoque minus simul fiunt conspicuae. Manifestum exemplum gracilescientiae et attenuationis maxime debilitantis praebent muscoli abdominales asciticorum, feminarumque, quae saepius vterum tulerunt. Sed quam exiguus quaeso est distentus, quem in asciticis grauidisque muscoli abdominis patiuntur, si conferatur quidem cum distentu vteri tempore grauiditatis contingente. Quum igitur omnes fibrae musculares eo felicius possint dignosci, quo densiores sunt et crassiores, eo vero difficilius eruantur, quo tenuiores et graciliores reperiuntur, sequeretur omnino in vacuo vtero melius apparituras esse, quam in pleno, cuius tamen contrarium vulgo temere asseritur.

§. XVI.

Quod si quis forte comminisci velit, fibris vteri carneis id proprium esse, ut sicuti totius vteri, ut ut valdopere extensi, crassities gestationis tempore non imminuatur, ita quoque ipsarum crassitiem manere eandem: is quantis sese intricet tricis, serio perpendat. Etenim crassities fibrarum, quae sic conseruari creditur, immo, (nisi adeo, quod melius istae apparere viderentur, soli per distentum euolutioni tribuere studeas, quod tamen iam refutaui) angeri insuper credenda est, debeat necesse est aut accessui elementorum nouorum in solidam naturam abeun-

abeuntium, seu verae nutritioni et incremento, aut interpositioni fluidarum partium et repletioni interstitiorum, quae in fibris distentis auctae fuerint. Augmenta enim capientis cuiusvis rei corporeae causa aut in materiae propriae verorumue principiorum multiplicatione, aut in materiae interlabentis alienaeque receptione quaerenda est. Iam quodcumque horum ponas, repugnantiae occurrunt. Quod si enim elementa fibrarum vteri muscularium in grauiditate multiplicarentur, nunquam a partu peracto vterus ad pristinam voluminis capacitatisque exiguitatem redire contractionibus suis posset; sed ob incrementum, quod fibrae nactae essent, amplior atque voluminosior, quam ante conceptionem fuerat, euaderet. Sin vero in fibrarum vteri grauidi muscularium interstitia, per distentum ampliata, succorum particulae, ceu materia interlabens, dispositae crassitiem ipsarum conseruarent, vel augerent, fibrae illae ipsae hinc maiorem mollitiei gradum adipiscerentur atque laxitatis vitium contraherent; quando quidem laxitatis partium solidarum causa proxima vnice in interlabentium particularum fluidarum abundantia posita est. Quo magis igitur incretuerent hac ratione fibrae musculares vterinae, eo magis simul relaxarentur atque iam exeunte grauiditate foetuque maturitatem consecuto, maxime distentae omnium minimo pollerent robore. At enim vero notissimum est, quantis sese in partu viribus vterus constringat, quamque fortiter manum immissam vrgeat, adeo vt rigentem vere penitusque stupentem, mortuoque ad tempus veluti similem obstetricantes illam inde retrahere haud raro cogantur. Tantam contractionis efficaciam a fibris muscularibus, siue per elongationem et distentum gracilescantibus, siue ex repletione interstitiorum, per succos interiectos facta, cum relaxatione ineuitabili pristinam crassitiem retinentibus, maioremue adeo adeptis quis quaeso iure quodam expectauerit?



§. XVII.

Fibrae vteri sic dictae musculares decurrere dicuntur media inter vasa; neque, si quidem tales adessent, in viscere vasculosissimo aliter possent decurrere. Iam vasa vteri tempore gestationis mirum in modum expanduntur, atque sanguine replentur. Haec ipsa vasorum expansio atque repletio fibras interiectas motrices, quae vtero datae esse creduntur, necessario ita afficere deberet, ut comprimerentur, fibrarumque compressio maxima futura esset tum, quando vteri vasa sanguine plenissima sunt, siue, quod idem est, imminente partu. Quum vero per experientiam constet, fibrarum muscularium mobilitati nihil magis obesse, quam compressionem; vterinae fibrae carnae eo ipso tempore, quo deberent summa mobilitate uti, suisque constrictionibus, ut supponitur, partum administrare, ad motum omnium torpidissimae et inertissimae forent. Quum itaque fibrae vteri musculares ab anatomicis variis et oculatissimis et felicissimis ipsarumque videndarum cupidissimis non in puellarum modo iuniorum et virginum, sed in grauidarum quoque et puerperarum, haud ita pridem partu functarum, vteris frustra fuerint quaesitae et indagatae; quumque harum fibrarum, ab aliis dissectoribus per hypothesein potius receptarum, quam in tanto descriptionum omnium dissensu per anatomicam administrationem comprobatarum, praesentiae ipsius vteri grauidi parturientis partuque defuncti phaenomena varia, quae huc usque recensuimus, manifesto repugnent, atque adeo fabricam vteri musculosam esse, mea quidem sententia defendi non possit; nihil omnino superest, quam ut vteri actionibus istis, quae eius substantiam musculosi quicquam continere tantum non omnibus persuaaserunt, explicandis non idoneam modo esse, sed adeo sufficere naturam vasculoso cellulosa, succincte adhuc edoceamus.

§. XVIII.

Inesse telae cellulosae, inprimis stipatae ob fibrarum, ex quibus confecta est, tum ramosarum, tum breuium frequentissimas arctissimasque complicationes, summam vim elasticam, extra omnem dubitationis aleam positum est. Eiusmodi telam cellulosa vtero inesse, sicuti scrutinium anatomicum omnibus patefacit, ita ne ab illis quidem negatur, qui insuper fibras musculares intextas esse, credi cupiunt. Excipiuntur ab hac tela cellulosa, vt supra iam diximus, vasa vtriusque generis sanguifera, innumerabilem ramorum surculorumque lateralium seriem, per vniuersos vteri parietes serpentinis flexibus dispersam, emittentia. Plurimae ex istis vasorum ramificationibus in vtero vacuo adeo subtiles et exiguae sunt, vt ne cerae anatomicae quidem beneficio conspicuae satis fiant; in vtero grauido vero subtilissimi surculi isti a cruore sensim congesto adeo amplificantur, et expanduntur, vt et oculis nudis pateant et cultro anatomico facillime possint extricari. Laetiori quoque rubore fulgent tum, quando vterus in aqua nitrata maceratus examini subiicitur. Notissimum enim est, salia quidem media omnia sanguinis ruborem augere, omnium vero maxime illum intendere nitrum;^{q)} auctusque hic intra tenuissima vasa vterina contenti cruoris rubor adeo fefellit celeberrimi ceteroquin nominis anatomicos, vt fibras musculares vteri maceratione in aqua nitrata conspicuas sese reddidisse arbitrarentur. Oblitterantur vero sensim per maiorem sanguinis copiam liberalius repletorum vteri grauidi vasorum serpentinae directiones; venulaeque pariter atque arteriolae vteri in maiorem exporriguntur rectitudinem. Iam simul atque vasa ad eum vsque gradum expansa pariter atque elongata sunt, vt amplius expandi elongarique sese recusent, tum vero arteriae, quae, sicuti vel

D. 2

a mor-

q) Vid. *Halleri* Elem. Physiol. To. II. Lib. V. sect. II. §. 24.



a morte in dissectis sese sustinens lumen aperte testificatur, insigni virtutis elasticae efficacia pollent, quaeque insuper ob tunicam musculosam in viuo corpore egregio irritabilitatis beneficio gaudent, quae denique, vti minimarum arteriolarum in viuo corpore dissectarum mirifica retractio comprobatur, semper in minorem extensionem nituntur, contrahere sese atque pristinam serpentinarum flexuum directionem affectare incipiunt, quumque per omnia vteri latera copiosissimae arteriolae spississimeque congregatae distribuuntur, non aliter fieri potest, quam vt contrahentibus sese omnibus arteriolis totius quoque vteri cauitas imminuatur, vniuersique huius visceris parietes ad se mutuo accedant, istaque ratione quicquid in vtero continetur, repetitis nixibus excutiat,ur.

§. XIX.

At enim vero dissimulandum non est, posse huic doctrinae nostrae dubitationes quasdam admodum graues opponi, quas non modo commemorare, sed etiam tollere pro viribus animus est. Ac primum quidem, vtrum ab arteriis ad summum repletis vteri contractio in vniuersum repeti, deinde vero, vtrum tantae vehementiae contractio expectari possit, quae foetum secundinasque expellat, haesitari posset. Porro quoque confundere posset iudicantem vteri contractio, stimulo prouocata, cui peragenda irritabiles quidem fibrae carnae contractilesque, non item arteriae irritabilitatis, vt nonnulli volunt, expertes et a stimulo potius dilatari solitae pares esse videantur. Denique verisimile censi possit, arterias ipsa repletione debilitari et ad contractiones vteri torpescere. Itaque liberaliores arteriarum repletiones earum, quibus copiosissimae insunt, partium constrictiones vere praestare posse, vel a morte in cadaueribus cernitur. Quod si enim arteriae, tubas Fallopianas adeuntes, ceracea materie replentur, omnes, quae
laxa-

laxatae pependerant, tubarum Fallopiianarum, ad ouaria iam sese conuertentium, fimbriae ouarium ipsum arctissime amplectuntur.^{r)} Pupillae in oculo sano summa est mobilitas, quotiescunque enim fulgidior lux oculo affulget, statim coarctatur, in debiliore luce contra amplificatur. Vtrique motui praestando finxerunt nonnulli fibras musculares, constrictorio quidem orbiculares, dilatatorio rectas. Verum enim vero summus HALLERVS peropportune monuit: *Fabricas fingi non oportere, quas sensus non confirmet*; omnisque pupillae constrictionis causam ponit in fortiori humorum affluxu ad vasa decolora iridis, quo ea quidem vasa extendantur, euolutisque ipsorum plicis serpentinis striisque cellulosis in rectitudinem exporrectis, maiorem pupillae partem claudant.^{s)} Tanta autem vehementia sese constringere posse arterias, vt foetum et secundinas expellere valeant, quilibet sibi facile persuaderi patietur, qui et quanta vi arteria post mortem sese contrahat, vlllo vnquam tempore obseruauit, qui porro insignem arteriosorum vteri vasorum copiam contemplatus est, qui denique in viuo corpore arterias longe maiores effectus edere posse, quam in mortuo, perpendit. Ad euincendam arteriae ingentem vim constrictoriam et propellentem, in cadauere adeo superstitem, egregium facit experimentum Ill. WALTHERI,^{t)} quo in truncum arteriae maioris ita quidem, vt omnis cum corde communicatio prorsus tollatur, ligatum materia, quaecunque demum fuerit, fluida ope siphonis adigitur, confestimque ope cultri admoti apertura, vel tanta, quae totius vasis diametrum aequet, infligitur; quando quidem statim his peractis materia fluida, quae immissa fuerat, ad pedum duorum, trium, quin immo ali-

D 3.

quando

^{r)} Vid. Illustris WALTHERVS l. c.

^{s)} Vid. Elem. Phys. Sect. II. §. 12.

^{t)} l. c. p. 35. §. 46.



quando quatuor distantiam parabolica directione proiicitur, non aliis certe viribus, quam solius arteriae mortuae virtute elastica proiecta. Quod si vnius arteriae vis tam valide operatur, quid coniunctae tot arteriolarum per vteri latera innumerabili multitudine dispersarum vires praestiturae sint, ambiguum amplius esse nequit. Quamquam enim Cl. HAVENSCHILD) affirmare ausus est, vasa vteri tantos ramos laterales non praebere, vt eorum sese constringentium ope parietes vteri ad se inuicem eogi possint; tamen, quod per magnitudinem suam efficere forte nequeunt, sua ipsorum numerosissima copia efficere possunt vtique, in viuo maxime corpore, vt-pote in quo arteriae non modo virtute sua elastica, sed insuper virtute vitali, quae coniunctis cordis neruorumque, quibus vtique ditantur, viribus debetur, quin immo adeo, ob tunicam musculosam, qua instructae sunt, virtute irritabili operantur.

§. XX.

At enim vero aduersarii vrgebunt tantam esse vteri irritabilitatem, quantam a fibris quidem carneis, ad stimulum sese contrahentibus, ab arteriis vero, ad stimulum dilatari solitis, nulla ratione proficisci posse, arbitraris. Sed perpendamus modo vteri et cordis aut alius cuiusdam musculi irritabilitatem, atque fateri cogemur, inter vtrumque insigne discrimen intercedere. Quum enim stimulus quiuis cordis aliorumue musculorum compagi applicatur, extemplo quoque fibrarum contractionem cieat, vterus contra inde a primo conceptionis tempore vsque ad vltimum gestationis stadium perpetuo a foetu accrescente, voluminis augmenta capiente et in habitante exstimulatus nihilo tamen minus contractionem subire recusat. Si
igitur

u) Vid. *Eius* dissert. inaug. supra laudatam §. 14.

igitur constrictionem eiusdem perficerent fibrae carnae, quomodo quotidianis stimulis resistere possent, non appareret; Sin vero, vti mea quidem sententia fert, vasa arteriosa ad summum demum gradum repleta contractionem vteri moliuntur, retardatae contractionis explicatio facillima est. Quam diu enim moderata et quantitate et celeritate sanguis a corde propulsus in arterias vterinas influit, et quam diu ab arteriis allati sanguinis pars alia in venas, alia in vasa placentae foetusque sine resistentia abigi potest, ita vt non nisi perparum sensimque plus sanguinis, lentissimae distentioni inferuituri, in arteriarum cauitatibus congeratur, ad contractionem vteri ciendam nulla plane fit arteriarum inuitatio. Verum enim vero quam primum vasa vteri arteriosa sanguinis nimiam quantitatem recipere coguntur, quam moderatis suis contractionibus in venas ipsis continuas vasaque placentae et foetus propellere nequeunt, adeo vehementer extenduntur sollicitanturque, vt contentiosiore contractione administrata, cum totius vteri volumine imminuto, in pristinam serpentinam directionem breuitatemque nitantur, repetitisque conatibus vere demum perueniant. Quamuis itaque certum sit, a stimulis, qui nervis cuiusvis partis, proindeque etiam vterinis admouentur, arterias semper magis dilatari, quandoquidem ex communi, ad quam vniuersum corpus structum est, lege ad vasa partis exstimulatae sanguis et humores copiosiores confluunt: tantum tamen abest, vt ex hac arteriarum dilatatione maiori subsecutae contractionis explicatio peti nequeat, vt potius salua vi elastica et musculosa arteriarum, tanta et copia et complicatione vteri substantiam et recte perreptantium et, quod repletiones anatomicae quouis docere possunt, in omni quoque circumferentia ambientium, non efficacior vlla ad contractionem inuitatio excogitari inueniri que possit. Proinde quoque non opus est, vt in explicanda vteri irritabilitate ad hypothesin de fabrica vteri musculosa confugia-



fugiamus, quum ei singulari irritabilitati, quam in vtero obseruare licet, declarandae structura Vteri, ex tela cellulosa innumeris vasorum, in primis arteriosorum neruulorumque furculis percursa, sufficiat, quin immo melius congruat.

§. XXI.

Sed superest vt vltimum dubitationis genus, quo forte nonnulli nostram de vteri contractione ab arteriis administranda sententiam impugnare possent, breuibus adhuc perpendamus. Scilicet vasa vteri arteriosa, siquidem indies, vt vere fit per totum grauiditatis tempus, paullo quid plus sanguinis retinent et ab eodem expanduntur, lenta hac distentione ita debilitari debere forsitan videbuntur, vt ad pristinam suam angustiam sese post partum recipere nequeant. Necessarium igitur esse, vt aliae praeterea accedant vires, quae istam contractionem iuuent; hasque non alias esse posse, quam musculosas. Enim vero lubenter concedo, arterias liberas aliisque nullis partibus inclusas eiusmodi expansione debilitatum iri; at enim vero intextas et telae cellulosae redimiculis circumuolutas, membranaeque insuper, totam fabricam vasculoso cellulosa comprehendente, munitas, neruorum denique multorum custodiae stipatas, id periculum incurrere facile posse, neutiquam recipio. Sicuti enim iecinoris, vtut vasa ipsius insignem quotidie sanguinis copiam recipiunt, et, quemadmodum moles eius visceris in foetu in dies aucta testatur, eiusdem sanguinis quotidie quicquam retinent, postquam homo natus est miranda fit detumescencia, absque omni intercedente muscularium fibrarum, quae scilicet prorsus absunt, opera, ita quoque in vtero, viscere longe densiori et arteriis multo copiosioribus magisque contortis instructo, detumescencia absque muscularium fibrarum adiumento peragi poterit. Expanduntur arteriae vte-

ri, quam diu cedit vteri compages cellulosa et quam diu hoc sine dolorosa neruorum distractione fit. Quamprimum vero tela cellulosa resistit nimium neruique tenduntur, ex dolore subito fiente arteriae copiosius repletae subito et validissime constringuntur cum totius vteri volumine imminuto.

§. XXII.

Omnibus igitur et singulis, quae hactenus disputauimus, compulsis, tantum abest, ut vteri fabrica musculosa aut idoneis argumentis confirmari, aut necessariis ex actione ipsius, musculorum actioni analoga, consecutionibus probabilis reddi queat, ut potius eadem ex castioris hypotheticasque fabricas proscribentis anatomes iudicio repudiata, a sola vteri natura cellulosa, vasculosa et neruosa visceris huius tum in gestando fetu patientia, tum in nutriendo fides, tum denique in pariendo virtus et efficacia repeti possint. Quod si quis tamen fuerit, qui defendere audeat, fibras musculares ipsas esse, et vasorum in modum excauatas, et ex neruis telaque cellulosa conflatas, cum isto quidem, donec accurate docuerit, qua demum in re, fibrae ipsius musculares a vasis differant, conferere lites non libet. Ingenue et libere nostram sententiam professi sumus. Nihil reiecimus temere; nihil sine ratione recepimus. Studiosissime fugimus duplicitatem vafram, assensionem coecam, oppugnationem immodestam, atque proinde etiam vicissim a lectoribus speramus, ut simplicitatis, ingenuitatis et modestiae nostrae memores recte monitis ad sensum erratis veniam dent benignissimam.

§. XXIII.

In morbis vteri narrandis, ob angustos scriptionis limites breuissimi erimus. Potest autem vterus, quoad figuram ab-

E

horrere



horrere a naturali forma, vt bicornis; quoad magnitudinem et intumescere et incremento prohiberi, quod saepe menstruorum deficientium caussa est; quoad situm, obliquitate cum partus difficultate laborare, prolabi, hysterocelen producere, quin immo inuerti; quoad cellulofam suam fabricam obrigescere, cum amenorrhaea, aut relaxari cum fluxu menstruorum nimio, fluore albo, partu abortiuo itemque praecoci; quoad neruosa stamina, dolere, aut in sensu ita hebetescere vt et anaphrodisia et sterilitas consequatur; quoad vasa sanguifera, obstructions, congestiones, et haemorrhagias; quoad vitalem motum, qui neruis vasisque debetur, atoniam subire, aut inflammari, iamque hinc abscessus, varii generis exulcerationes, indurationes, gangraenam, scirrhos pati; quoad cavitatem, aquis, flatibus, sanguinis grumo, polyposa concretione, mola distendi; quoad parietes contundi, vulnerari, rumpi, erodi atque hinc in suis actionibus ita laedi, vt fetui concipiendo, gestando, nutriendo, pariendo, menstruaeque purgationi administrandae vel moderandae impar euadat. Latissimum en campum, in quem excurrere oratio nostra prohibetur argumenti ipsius fertilitate, temporisque et spatii angustia.

ERRATA.

§. X. lin. 1. *varius* lege *varia*.

